

Na osnovu člana 8. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03, 65/13), člana 13. Odluke o postupcima, standardima i kriterijima imenovanja na pozicije u regulisana tijela Opštine Glamoč (broj: OV-01-02-98/18 od 17.05.2018. godine, „Narodne novine Opštine Glamoč 3/22 i 3/26) i Odluke o pokretanju postupka za izbor i imenovanje članova tijela upravljanja javnih ustanova i drugih institucija kojima je osnivač Opština Glamoč („Narodne novine Opštine Glamoč“, broj: 3/26), Komisija za izbor članova u regulisana tijela čiji je osnivač Opština Glamoč raspisuje

JAVNI OGLAS
za izbor i imenovanje članova
školskog, upravnog i nadzornog odbora
ustanova i javnog preduzeća čiji je osnivač Opština Glamoč

I

Objavljuje se Javni oglas za izbor i imenovanje školskog, upravnog i nadzornog odbora ustanova i javnog preduzeća čiji je osnivač Opština Glamoč i to:

- a) Osnovna škola “Glamoč“ - Školski odbor (2 člana)
- b) Kulturno obrazovna ustanova “Narodni univerzitet Glamoč“ - Upravni odbor (3 člana)
- c) Javno preduzeće “Komunalno Glamoč“ d.o.o. - Nadzorni odbor (3 člana)

II

Opis pozicija, period imenovanja, naknada za rad

Školski odbor ima položaj i ovlaštenja organa upravljanja te obavlja poslove utvrđene zakonom i statutom. Članovi školskog odbora imenuju se na period od 4 (četiri) godine. Rad u školskim odborima je dobrovoljan i besplatan. Ravnatelj, pomoćnik ravnatelj i sindikalni čelnici ne mogu biti članovi školskog odbora. Sastav školskog odbora mora odražavati nacionalni sastav zajednice u kojoj škola djeluje.

Školski odbor obavlja sljedeće poslove:

- usvaja godišnji program rada škole i ocjenjuje njegovo ostvarivanje,
- prati i usmjerava sveukupni rad škole,
- odlučuje o korištenju finansijskih sredstava škole, koje je škola stekla vlastitim prihodima, donacijama i slično,
- na prijedlog ravnatelja raspisuje natječaj za prijem djelatnika u radni odnos uz prethodno pribavljenu suglasnost resornog ministarstva,
- odlučuje o zasnivanju i prestanku radnog odnosa djelatnika na prijedlog ravnatelja,
- imenuje i razrješava ravnatelja škole,
- analizira opći uspjeh učenika i poduzima mjere za unaprjeđenje uvjeta rada u školi,
- usvaja statut, pravilnike i druge opće akte škole,
- vrši i druge poslove određene statutom škole

Upravni odbor ustanove i nadzorni odbor preduzeća imaju položaj i ovlasti organa upravljanja te obavljaju poslove utvrđene zakonom i statutom ustanove odnosno preduzeća. Članovi upravnog i nadzornog odbora imenuju se na period od 4 (četiri) godine i mogu biti ponovo imenovani. Za svoj rad imaju pravo na naknadu u skladu sa Odlukom o visini naknade za rad u tijelima upravljanja u preduzećima i ustanovama koje imenuje Opštinsko vijeće broj OV-01-02-112/10 od 18.08.2010.godine.

Upravni odbor ima sljedeće nadležnosti:

- donosi statut uz saglasnost osnivača,
- donosi program rada i razvoja ustanove na prijedlog direktora i nadzire njihovo izvršenje,
- odlučuje o finansijskom planu i godišnjem obračunu,
- razmatra izvještaje o radu ustanove,
- predlaže osnivaču ustanove promjenu djelatnosti,
- odlučuje o promjeni firme, sjedišta i zaposlenih uz saglasnost osnivača,
- daje osnivaču i direktoru ustanove prijedloge i mišljenje o pojedinim pitanjima iz djelokruga rada ustanove,
- imenuje i razrješava direktora uz saglasnost osnivača,

- odlučuje po prigovoru kandidata na imenovanje direktora koji se podnosi u roku od osam dana od dana prijema odluke,
- odlučuje i o drugim pitanjima određenim zakonom i opštim aktima ustanove,
- odlučuje o prigovorima o zasnivanju i prestanku radnog odnosa koji se podnose u roku od osam dana od dana prijema odluke.

Nadzorni odbor ima sljedeće nadležnosti:

- priprema poslovnike i predlaže ih Skupštini;
- priprema etički kodeks i predlaže ga Skupštini;
- vrši izbor kandidata Odbora za reviziju i podnosi prijedlog za njegovo imenovanje Skupštini;
- razmatra provedbeni propis za postupak nabavki i nadzire njegovo provođenje;
- daje mišljenje Skupštini o prijedlogu Uprave za raspodjelu dobiti;
- predlaže način pokrića gubitka;
- daje ovlaštenja za aktivnosti koje su ograničene odredbama Zakona o javnim poduzećima;
- daje upute direktoru za provođenje preporuka u vezi sa uočenim nepravilnostima;
- usvaja izvještaj Uprave o poslovanju po polugodišnjem i godišnjem obračunu s bilansom stanja i bilansom uspjeha i izvještajem revizije;
- podnosi Skupštini godišnji izvještaj o poslovanju Društva, koje obavezno uključuje izvještaj revizora, izvještaj o radu Nadzornog odbora i Odbora za reviziju i plan poslovanja za narednu poslovnu godinu u okvirima postojećeg i revidiranog plana;
- odobrava kupovinu, prodaju, zamjenu, uzimanje u lizing i druge transakcije imovinom u toku poslovne godine u obimu od 15% (petnaest posto) do 33% (trideset i tri posto) knjigovodstvene vrijednosti ukupne imovine Društva uz prethodnu suglasnost Skupštine;
- saziva Skupštinu;
- nadzire Upravu u provođenju preporuka danih od strane Odbora za reviziju, te vanjskog revizora sa specifičnim rokovima;
- sistemski nadzor nad poslovanjem i zakonitošću poslovanja Društva;
- redovito izvještavanje Skupštine o svom radu;
- davanje instrukcija organima društva radi otklanjanja nepravilnosti u radu;
- prisustvuje sjednicama Skupštine i učešće u raspravi bez prava glasa;
- pregled poslovnih knjiga i dokumentacije;
- drugi poslovi predviđeni zakonom.

III

Opšti i posebni uslovi

Kandidati za izbor i imenovanje u školski, upravni i nadzorni odbor dužni su ispunjavati sljedeće opšte i posebne uslove:

Opšti uslovi

1. da su državljani Bosne i Hercegovine,
2. da su stariji od 18 godina,
3. da nisu otpušteni iz državne službe kao rezultat disciplinske mjere(bilo na nivou države ili entiteta) u periodu od (3) tri godine prije dana objavljivanja upražnjene pozicije,
4. da se na njih ne odnosi član IX.1.Ustava Bosne i Hercegovine,
5. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
6. da nisu članovi organa zakonodavne, predstavničke, izvršne ili sudske vlasti ili savjetnici u smislu Zakona o sukobu interesa u organima vlasti u Federaciji BiH,
7. da nemaju privatni ili finansijski interes u instituciji u kojoj se kandiduju,
8. da nisu osuđivani za krivično djelo nespojivo sa imenovanjem na dužnost u instituciji u koju se kandiduju, pet godina od dana pravosnažnosti presude, isključujući vrijeme zatvorske kazne,
9. da im nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

Posebni uslovi za pozicije a) i b) iz tačke I.

1. VSS, VII stepen stručne spreme, odnosno visoko obrazovanje prvog (180 ECTS bodova), drugog ili trećeg ciklusa Bolonjskog sistema studiranja ili VŠS, VI stepen stručne spreme.
(Izuzetno, poseban uslov može biti srednja stručna sprema (SSS), kada je neophodno osigurati sastav regulisanih tijela predstavnika građana, roditelja, zaposlenika, korisnika i slično)
2. Najmanje tri (3) godine radnog iskustva nakon sticanja visoke stručne spreme, odnosno pet (5) godina nakon sticanja VŠS i SSS;
3. Da nije član nadzornog ili upravnog odbora, odnosno odbora za reviziju nekog privrednog društva ili institucije;
4. Da nije vlasnik ili član uprave nekog privrednog društva ili institucije;
5. Da posjeduje stručno znanje iz oblasti rada i organizacije privrednih društava;
6. Komunikacijske i organizacijske sposobnosti;
7. Sposobnost tumačenja propisa iz oblasti za koju je regulisani organ osnovan;
8. Sposobnost upravljanja finansijskim i ljudskim resursima.

Posebni uslovi za poziciju c) iz tačke I.

1. VSS, VII stepen stručne spreme, odnosno visoko obrazovanje prvog (180 ECTS bodova), drugog ili trećeg ciklusa Bolonjskog sistema studiranja;
2. Najmanje tri (3) godine radnog iskustva nakon sticanja visoke stručne spreme,
3. Da nije član nadzornog ili upravnog odbora, odnosno odbora za reviziju nekog privrednog društva ili institucije;
4. Da nije vlasnik ili član uprave nekog privrednog društva ili institucije,
5. Da posjeduje stručno znanje iz oblasti rada i organizacije privrednih društava,
6. Komunikacijske i organizacijske sposobnosti;
7. Sposobnost upravljanja finansijskim i ljudskim resursima.

IV

Potrebni dokumenti

Kandidati su uz popunjenu i vlastoručno potpisanu prijavu na Javni oglas dužni dostaviti sljedeću dokumentaciju (original ili ovjerenu fotokopiju)

1. uvjerenje o državljanstvu (ne starije od 6 šest mjeseci),
2. dokaz o stručnoj spremi,
3. dokaz o radnom iskustvu nakon sticanja odgovarajuće stručne spreme,
4. ovjerenu izjavu kandidata da ispunjava opšte uslove pod rednim brojem od 3. do 9. i posebne uslove pod rednim brojem 3. do 5. za pozicije a), b) i c) iz tačke III.

Napomena: Izabrani kandidati dužni su u roku od 8 (osam) dana od dana obavijesti o izboru Komisiji za izbor članova u regulisana tijela čiji je osnivač Opština Glamoč dostaviti uvjerenje da nisu osuđivani za kazneno djelo nespojivo sa imenovanjem na dužnost u instituciji u koju se kandiduju, 5 godina od dana pravosnažne presude, isključujući vrijeme zatvorske kazne i uvjerenje da im nije izrečena zaštitna mjera zabrane obavljanja aktivnosti za poslove iz nadležnosti školskih, upravnih ili nadzornih odbora, tri godine od dana pravosnažnosti odluke o izrečenoj zaštitnoj mjeri.

V

Ostale napomene

Obrazac prijave na Javni oglas i izjava o ispunjavanju opštih i posebnih uslova može se preuzeti u šalter sali Opštine Glamoč i web stranici Opštine Glamoč (www.opstinaglamoc.ba)

Svi kandidati koji ispunjavaju uslove bit će pozvani na intervju, nakon čega će Komisija za izbor članova u regulisana tijela Opštine Glamoč sačiniti rang listu sa najboljim kandidatima i istu dostaviti nadležnom organu na dalje razmatranje i konačno imenovanje. Zainteresirana stranka može podnijeti prigovor na konačno imenovanje ukoliko postoje dokazi da nisu ispoštovani postupci i principi utvrđeni u članu 3. Zakona o ministarskim, vladinim i drugim imenovanjima FBiH. Prigovor se podnosi Opštinskom vijeću Glamoč, a kopija prigovora dostavlja Ombudsmenu za ljudska prava Bosne i Hercegovine.

VI

Rok za prijavu i oglašavanje

Prijava uz tražene dokaze dostavlja se u zatvorenoj koverti u roku od 15 dana od dana objave u Službenim novinama Federacije Bosne i Hercegovine, neposredno u šalter sali Opštine Glamoč ili preporučeno poštom na adresu:

Opština Glamoč
Komisija za izbor članova u regulisana tijela čiji je osnivač Opština Glamoč
Dušana Čubića br. 9, 80230 Glamoč
sa naznakom
„Prijava na Javni oglas za izbor i imenovanje članova školskog, upravnog i nadzornog odbora ustanova i javnog preduzeća čiji je osnivač Opština Glamoč - Ne otvarati“

Ovaj Javni oglas objavit će se u Službenim novinama Federacije BiH, dnevnom listu „Oslobođenje“, oglasnoj tabli i web stranici Opštine Glamoč.

Neblagovremene i nepotpune prijave neće se uzimati u razmatranje.

Predsjednik komisije

Broj: OV-01-04-2-53/26

Datum: 28.04.2026. godine

Ružica Marković, s.r.